

ATORAN SAMBAYANG HONG BASA DAYAK NGAJU: MINGGU KAPEHE KA - VII
Minggu, 13 April 2025

1. PERSIAPAN / INTROITUS

- a. Balakudoa intu Konsistori
- b. Pansanan akan Ungkup
- c. **UNGKUP MENDENG** tuntang manyanyi bara **Nyanyin Ungkup No. 212 : 1, 2, 4**
“ O, YESUS AKU TOH MENYEMBAH ”
- d. Tabe Presbiter

2. AUH RAWEI AKAN SOMBAHYANG (L) :

- L :** Andau toh itah tame Minggu Kapehe **ka UJU**. Itah mingat haluli katika Tuhan itah Yesus Kristus buah kapehe tagal gawi je puna bagin aie.
- J :** Ie inawah tuntang ihakan oloh.
- L :** Puna oloh tantai kapehe, patuh dengan kasusah kajake, kilau oloh ije bara ie oloh mahakan baue.
- J :** Tapi toto, ie jari mananggung kare peres itah tuntang kare kapehen itah jari imuate Akae. (Jesaya 53 : 3-4a)

3. VOTUM dan SALAM

- P :** “Pandohop itah huang aran Tuhan, ije jari manjapa langit tuntang petak, ije jari mahaga janjie sampai katatahie, ije dia maku manalua kare tampan lenge”
“Keleh asi akan keton tuntang kasanang bara Hatalla, Bapa itah tuntang bara Tuhan Yesus Kristus” Amen.
- J :** Amin **(UNGKUP TAU MUNDUK)**

4. NAS NGAGALAN

- L :** Ie kareh balaku intu aku, te aku handak mahining auhku; aku hinje ie huang kajakee, aku handak mansuwit ie tuntang mampahai ie (Mas. 91:15)
- L+J :** Ije munduk intu pilan ain Ije pangkahai te, ije melai hung kanjungen ain Ije jatun tikas kuasae, ie te hamauh dengan Tuhan: Ikau eka kalindongku, kotangku, Hatallangku ije eka kaharapku !

5. MANYANYI bara **Nyanyin Ungkup No. 129 : 1 - 3 “ HAS SEWUT HALELUYA ”**

6. KAKUN DOSA TUNTANG BARITA ASI SINTAN HATALLA

- L :** Keleh itah mamparandah arep itah into taharep Hatalla, Tuhan itah, hayak mangaku dosan itah : “Ikei mangaku into taharep aim ije barasih o Hatalla ije jatun tikas kuasae, ikei toh badosa dengan Tuhan, awi tirok atei, kotak tuntang gawin ikei. Dosan ikei te tangkahalau kahaie, pasi ikei o Hatalla, ampun ah ikei je badosa toh, tuntang ngagalan ikei akan pabelom ije katatahie. Huang aran Yesus Kristus, Tuhan ikei”. Amen.

(UNGKUP MENDENG)

- P :** Keleh itah mahining **BARITA ASI SINTAN HATALLA** bara Romani 3 : 23 - 26
“Karana uluh handiai uras badosa tuntang kahain Hatalla jari nihau bara ewen. Tinai inenga bewei ewen inampa tetek awi asin Hatalla, awi kaliwus, ije huang Kristus Jesus: ije jari imparahan Hatalla indu padadusan-asi akan kare uluh ije percaya huang dahae, uka awi te ie mangarinah katetek, basa ie jari mampun dosa, ije jari iawi helu, metuh kapanjang atei Hatalla; tinai nakara ie mangarinah katetek intu katika tuh, mangat ie tetek tuntang manampa manjadi tetek uluh te, ije percaya huang Jesus.”

(UNGKUP TAU MUNDUK)

7. AUH TARA (*litani*) :

- L : Toh keleh itah manara Tuhan, Hatallan itah. Tuntang tara akan arae ije pangkahai !
Keleh manarimakasih akan Tuhan, karena kahalap Aie.
Nyanyi akan Tuhan, nyanyi taheta, nyanyi akan Tuhan, hapus kalunen !
- J : Nyanyi akan Tuhan, tara Arae, harajur huang kare andau awi mambarita selamat aie !
- L : Sarita kare kahalap kahain Ayue marak kare uluh kapir, marak kare utus uluh kare gawie awang heran !
- J : Karena Tuhan toto hai tuntang indu inara paham, ie bewei indu ingikeh paham bara kare hatalla beken.
- L : Karena kare hatallan uluh kapir uras taluh haying bewei, tapi Tuhan jari manjadian langit.
- L+J : Hormat akan Bapa, tuntang Anak, tuntang Roh ije Barasih kilau bara huran, sampai andau toh dan palus katatahie.

Menyanyi : 1 . | 1 . ||
A - MEN.

8. MAMBASA AUH HATALLA

Toh keleh itah mahining auh Hatalla ije tarasurat huang Surat Barasih, iete bara Janji ije sulake iete bara **Surat nabi JESAJA** bagi **50** baris **4** sampai **11**, je kalotoh auhe:

Kabujur, karandah atei tuntang katurut rewar Tuhan

50 Hatalla, Tuhan, jari manenga akangku jalan uluh ije iajar, mangat aku tau mampangat uluh uyuh hapan auh; genep hanjewu Ie mampisik aku, tuntang manangkejet pindingku, mangat aku manyeneh kilau murid. ⁵ Hatalla, Tuhan, jari marewang pindingku, tuntang aku dia marisang, dia aku undur. ⁶ Aku manyurung likutku akan uluh ije mamukul aku tuntang pipingku akan uluh ije marampung janggutku, aku jatun manyahukan baungku bara impahawen tuntang iluja. ⁷ Karena Hatalla, Tuhan, manduhup aku, tagal te aku jatun paraba kahawen; tagal te kea aku jari manekang baungku kilau batu api, karena puna tawangku, aku dia akan mahamen. ⁸ Ie puna tukep, ije mambujur aku; eweh handak habantah dengangku? Keleh itah hataharep! Eweh handak perkara dengangku? Keleh ie kantuh, itah habasara. ⁹ Toto, Hatalla, Tuhan, manduhup aku, eweh ije tau manipan aku? Toto, ewen samandiai te kareh rutus kilau pakaian, gagat kareh kuman ewen. ¹⁰ Eweh baris ketun, ije mikeh Tuhan ? Keleh ie manumun auh rewarah. Uluh ije mananjung huang kakaput tuntang kalawa jatun akae, keleh ie harap intu aran Tuhan, palus basingguh intu Hatallan aie. ¹¹ Tapi ketun handiai, ije mantukan apui, ije mampanyala damek apui, nauh ketun tame nyalan apui ketun tuntang damek apui te, ije jari inutung ketun kabuat. Jete buah ketun awi lengengku; ketun akan menter huang kapehe.

..... Sampai hete auh Hatalla ije imbasa akan itah katika toh : “*Salamat oloh te, ije mahining auh Hatalla tuntang mahagae jete huang pabelome*”. (Lukas 11 : 28)

9. MANYANYI bara **Nyanyin Ungkup No. 186 : 1 - 3 “ TONGGAL IKAU TUHAN YESUS ”**

10. MAMBARITA AUH HATALLA (P)

- a. Mambasa nast tumon je inukas huang Almanak GKE: **Ewanggelion, inyurat LUKAS** bagi **22** baris **14** sampai **23** :

Panginan Hamalem

22 Amun jam jari sampai, maka ie munduk kuman hayak ewen rasul te. ¹⁵ Te ie hamauh dengan ewen: Aku jari paham kahausku kuman paska toh helu bara aku buah kapehe. ¹⁶ Karana aku hamauh dengan ketun: jatun aku kareh kuman tinai, sampai jete jari tulus huang karajaan Hatalla. ¹⁷ Maka ie manduan sangkir, manarimakasih sambil hamauh: Duan jetuh, bagi te intu marak ketun! ¹⁸ Karana aku hamauh dengan ketun: aku jatun kareh mihup danum bua batang anggur tinai, sampai karajaan Hatalla jari dumah.

¹⁹ Limbah te ie manduan rote, manyewut tarimakasih tuntang mandarai te hayak manenga akan ewen, kua: Jetuh berengku, ije inenga akan ketun; awi jetuh hapan mingat aku. ²⁰ Kalute ke sangkir te, limbah kuman (panginan hamalem), kua : Sangkir toh janji taheta dahangku, ije inusuh akan ketun. ²¹ Tapi ite ! lengen uluh, ije manyarah aku, atun hinje aku hunjun meja. ²² Maka Anakulun toto lius, kilau jari tukas, tapi payah uluh te, ije manyarah ie! ²³ Te ewen te hisek sama arepah, eweh kea ie, ije akan mawi taluh te?

- b. Lakudoa pandak

- c. Mambarita Auh Hatalla

- d. **PUJI-PUJIAN :**

- e. **BALAKUDOA SAFAAT,**

inutup dengan Lakudoan Tuhan : APANG IKEI IJE HUANG SORGA ! ARAM BUAH IMPRASIH. KELEH KARAJAAM DUMAH. KAHANDAKM AKAN MANJADI KILAU HUANG SORGA, KAKAI KEA HUNJUN PETAK TENGA TALOH KINAN IKEI, OMBET AKAN ANDAU TOH. TUNTANG AMPUN KARE KASALAN IKEI, KILAU IKEI KEA JARI MAMPUN OLOH, IJE SALA DENGAN IKEI. ELA MANAMEAN IKEI HUANG TINGKES, TAPI LIWUS IKEI BARA IJE PAPA. KARANA AYUM ATON KARAJAAN TUNTANG KUASA TUNTANG KAHAI PALUS KATATAHIE, AMEN.

11. MANGAKU KAPARCAYA (L)

Buah itah **MENDENG** huang kahinjen kaparcaya dengan oloh Kristen hong kare katika tuntang kare eka, itah hayak-hayak mangaku kaparcayaan itah oloh Kristen hapan atei tuntang nyama kalotoh :

“Aku percaya huang Hatalla, Bapa ije jaton tikas kuasae, ije jari manjapa langit tuntang petak. Aku percaya huang Yesus Kristus, Anak Hatalla ije tunggal, tempon itah. Ije jari inakan Maria bujang salia awi Kuasan Roh Barasih, jari ingapehe jaman Pontius Pilatus, ilantak into kayu sampalaki, matei, ingubur, mohon akan eka kare liau.

Andau telo jari misik tinai bara marak oloh matei, mandai akan sorga, mondok hila gantaun Hatalla, Bapa ije jaton tikas kuasae. Bara hete le kareh haluli uka mariksa tuntang mamaleh oloh belom, oloh matei, tumon gawie.

Aku percaya huang Roh Barasih. Aku percaya aton ije jalahan ain Kristus ije barasih, iete kare ungkup oloh barasih ije ihanjean Roh;

Aku percaya ampun dosa, kamisik bereng oloh matei, tuntang pambelom ije katatahie”.

3 2 | 1 7 | 6 2 | 1 7 | 1 . ||
A-min, a - min, a - - - - min. (UNGKUP TAU MUNDUK)

12. MALUPUT PARAPAH (L)

(3 kantong tuntang kotak maju kan baun)

- a. Keleh toh itah mahining auh Hatalla bara II Korintus 9 bagi 6 sampai 7, ije hamauh :
 “Ije manawur isut, isut kea kareh inggetem, ije manawur kutoh, kutoh kea kareh inggetem.
 Tapi keleh genep biti manenga tumon puna katukas atei, ela dengan kanyasale, ela basa ie hajujuan, karena oloh ije rajin manenga, ingilak Hatalla.”
- b. BALAKUDOA : O Tuhan Hatallan ikei, rajan salepah kalunen. Tarima toh parapah oloh ayum, ije jari inyarah ikei tumon parentahm akan indu horumat aram. Dohop ah, mangat parapah toh tau ihapan akan manyang Tuhan, akan kahain aram, awi Yesus Kristus, Tuhan ikei. Amen.
- c. **UNGKUP MANYANYI** bara **Nyanyin Ungkup No. 130 : 1 - dst “ TARA HATALLA, TAGAL KARE ASIE ”**

13. PENJELASAN PERSIAPAN PERJAMUAN KUDUS - SENSURA MORUM (P)

PERJAMUAN KUDUS JUMAT AGUNG (Jumat, 18 April 2025)

(UNGKUP MENDENG)

14. PARENTAH MAMBARITA EWANGGELION TUNTANG BERKAT (P)

Basa keton jari bakarinah, keton toh surat Kristus, ije inyimpan awi gawin ikei, ije jari inyurat, jaton hapan dawat, malengkan awi Roh Hatalla ije belom; dia huang papan batu, tapi huang papan isi, iete huang atei keton. (2 Korintus 3 : 3)

Keleh toh buli dengan kasanang tuntang tarima Berkata Tuhan :

“Keleh Tuhan mamberkat keton, tuntang mangalindong keton.

Keleh Tuhan manyangkowong baue tambuan kenton tuntang masi keton.

Keleh Tuhan manyangkowong baue hunjun keton, hayak manenga kasanang akan keton”

(Numeri 6 : 24 - 25)

1. 2̣ 3 5 | 6. 7̣ 1̣ 7 | 1̣ . 7̣ 6 5 | 5. 1̣ 2̣ 3̣ 4 | 3 . 5̣ 1̣ 5' | 6 . 5. | 4 . 3. | 2 . 1̣ . ||
 Ha-le-lu-ya, ha-le-lu-ya, ha-le-lu-ya, ha-le-lu-ya, ha-le-lu-ya! A-men, a-men, a-men!

SALAMAT ANDAU MINGGU.. HATALLA MAMPAHAYAK ITAH SAMANDIAI

212. O YESUS , AKU TOH MANYEMBAH

C = 1

Lago: L.N.No. 83.

3/4

p **mf**

5 | 3 . 4 | 5 . 1̣ | 2̣ i 7 | i . 5 |

O Ye sus a ku toh ma nyem bah,

6 i 6 | 5 . 3 | 5 4 3 | 2 .

ma na ra tun tang mam pa hai

p **mf**

5 | 3 . 4 | 5 . 1̣ | 2̣ i 7 | i . 5 |

ka taum dan sin tam ja ton ho bah,

6 i 6 | 5 . 3 | 6 . 5 4 3 | 2 .

yoh a sim to to pa ham hai.

5 | 7 . 5 | i . 5 | 3̣ 2̣ i | i . 7' |

O ja ka ha pus a tei aing ku

i 7 6 | 5 . 3 | 6 5 4 | 3 . . | 2 . . | 1 . ||

harajur sin ta Tu han to - - to.

2. Toh ateiku mangkeme toto
 hung ikau wei salamatku;
 hung ramo ain kalunen jetho
 kasanang jaton akangku .
 Pambelomku injapam akam,
 salamat aingku tikas dengam.

4. O ela berkat ain mahalau,
 yoh soho Roh je brasih te,
 marentah aku genep andau,
 nakara sinta Tuhan wei,
 mansanan hormat ain hung hetoh,
 manara sintam, je hakutoh.

129. HAS SEWUT HALLELUYA.

Lago: Hai, bangkit bagi Yesus. Ny.Rohani No.190.

Bes = 1 Atawa: Toh eweh tau manambang.

4/4 L.N. No. 129.

5 | $\dot{1}$ $\dot{1}$ $\dot{3}$ $\dot{1}$ | $\dot{1}$. 6 ' $\dot{1}$ | 5 $\dot{1}$ $\dot{2}$ $\dot{3}$ | $\dot{2}$. . . '
 Has se wut Hal le lu ya, o ham ba ru ang ku
 5 | $\dot{1}$ $\dot{1}$ $\dot{3}$ $\dot{1}$ | $\dot{1}$. 6 ' $\dot{1}$ | 5 $\dot{1}$ $\dot{3}$ $\dot{2}$ | $\dot{1}$. . . '
 dan ta ra kan Ye ho wa, Ha tal la a yung ku!
 5 | $\dot{2}$ $\dot{2}$ $\dot{1}$ $\dot{2}$ | $\dot{3}$. 3 ' $\dot{3}$ | 4 $\dot{3}$ 6 $\dot{2}$ | $\dot{1}$. 7
 Ka ta hing ku na mu ei. Ka ka re nyanying ku
 5 | $\dot{1}$ $\dot{1}$ $\dot{3}$ $\dot{1}$ | $\dot{1}$. 6 ' $\dot{1}$ | 5 $\dot{1}$ $\dot{3}$ $\dot{2}$ | $\dot{1}$. . . ||
 ma nin tu I e be wei ja pu na Tempong ku.

2. Selamat kare oloh

je hante magon wei
 maharap janjin Tuhan
 Hatalla kuasa te,
 je Tempon langit, petak
 dan taloh handiai
 yoh eter kare janjie
 harajur katatai.

3. Yehowa mampakanan
 kakare oloh te
 je blau dan manyarenan,
 balaku dengae wei:
 kakare je tawanan
 iliwus handiai,
 dan ewen je inganan,
 inggatang, impahai.

186. TONGGAL IKAU, TUHAN YESUS.

Es = 1 Lago: Zullen w'eenmaal komen? S. 116.

4/4 L.N.P.No. 55.

3 3 $\overline{3\ 2}$ $\overline{3\ 4}$ | 5 . 3 . | 4 4 $\overline{4\ 5}$
 Tong gal i kau Tu han Ye sus. I kau ih ka
 $\overline{4\ 3}$ | $\overline{2\ 5}$. | 3 3 $\overline{3\ 2}$ $\overline{3\ 4}$ |
 ha rap ku. A si ha tan ti lap
 5 . 3 $\overline{3\ 4}$ | 2 $\overline{2\ 3}$ 4 $\overline{3\ 2}$ | 1 . . . ||
 a si te ngan Tu han a kang ku.

2. Awi asim ikaun mampun dosa aingku handiai.
 Jete puna janji Ayum, aku harap janji Aim.

Koor :

6 6 $\overline{1\ 7}$ $\overline{1\ 6}$ | 5 . 3 . $\overline{3\ 4}$ $\overline{3\ 4}$ $\overline{3\ 3}$
 A ku ha rap i kau Ye sus. Yoh i kau je ba
 $\overline{4\ 3}$ $\overline{4\ 2}$ | 3 . 5 . | 6 6 $\overline{1\ 7}$ $\overline{1\ 6}$ |
 jo ha dan pa ma si. A ku ha rap hu ang
 5 . 3 $\overline{3\ 4}$ | 2 $\overline{2\ 3}$ 4 $\overline{3\ 2}$ | 1 . . . ||
 a sim, a ku ha rap jan ji Aim.

3. Ikaun handak mampas aku bara kikeh handiai.
 bara kare musoh aingku, aku puna baris Aim.

130. TARA HATALLA TAGAL KARE ASIE.

C = 1 Lago: Lobet den Herren alle.

2/2 P.B.I. 256.

5 . $\dot{1}$ 7 | 6 . 5 . | 3 4 5 5 | 4 . 3 . |
 Ta ra Ha tal la ta gal ka re a sie,
 5 . 6 7 | $\dot{1}$. 6 . | 7 $\dot{1}$ 2 5 | 6 . 5 . |
 ho ru mat, nya nyi tuntang tri ma ka sih
 3 . 2 1 | 5 . 5 . | 6 $\dot{1}$ 7 6 | 6 5 6 . |
 kan a ran Tu han, i je bra sih bra sih!
 5 . 4 3 | 2 . 1 . ||
 Ta ra Ha tal la!

2. Tara Hatalla ije Tempon itah,
 Tempon hamburuan tuntang bereng itah,
 ije mambelom, mampakanan itah.
 Tara Hatalla!

3. Tara Hatalla! Imbit toh parapah
 tarimakasih, tara akan Bapa,
 je jari mampanihau kare sapa.
 Tara Hatalla!

4. Tara Hatalla ije tau basarae,
 sintae, kataue harajur bakarinah;
 je masi aloh itah kinjap sala.
 Tara Hatalla!

5. Tara Hatalla tagal kare berkat!
 Hong hetoh kea imbit tara hormat,
 ambo toh nyanyi hayak Koor malekat.
 Tara Hatalla!